



大黑天神經 十二遊經
成就法華儀軌 分陀利經

七
7
1

逍遙文庫
文庫 6
264
2



下卷

大黑天神經

成就法華儀軌

十二遊經

瓜陀利經

共二卷

山門無量院藏本

慈哲代新調

北尾松壽院藏

佛說摩訶迦羅大黑天神

大福德圓滿陀羅尼經

今時如來告大眾言今此會中有大菩薩名曰大福德自在圓滿菩薩此菩薩往昔成覺等正覺号大摩尼珠王如來今以自在業力故來娑婆世界顯大黑天神在此菩薩大會中從座起合掌白佛言我於一切貧窮無福衆生為與大福德今現優婆塞形眷屬七母女天三

卷之三下

咒

界遊現欲與一切衆生福德唯願世尊
為我說大福德四滿陀羅尼爾時世尊
開貞顏含笑說哭曰
唵摩訶賀羅耶莎賀
爾時世尊告大衆言此天神咒過去無
量諸佛出世不說若未來惡世中有諸
貧窮人聞此陀羅尼名者當知此人降
大摩尼寶珠涌出無量財寶爾時大黑
天神白佛言若有末法中衆生持此咒

者我體若六尺若三尺若五寸若一寸
刻其形像安置伽藍若崇敬家內我遣
於七母女天眷屬八萬四千大福德天
神遊行十方每日眷屬五千人若我所
願有虛妄者隨在惡趣長不還本覺若
以種沙珍菓美酒等供養我將降甘露
時一切大會歡喜信受作禮而去

摩訶賀羅大黑天神
大福德圓滿陀羅尼經
...

北藏印度著集杜字函

此儀軌壹卷後
當抄錄之使幼
學通誦是知法
大綱也

成就妙法蓮華經 王瑜伽觀智儀軌一卷

開府儀同三司特進試鴻臚卿肅國公食

邑三千戶賜紫贈司空謚大鑒正號大廣

智大興善寺三藏沙門不空奉 詔譯

歸命釋迦牟尼佛 宣說方廣大乘典 為諸菩薩而開示

甚深寂勝真實教 我今依於太教主 遍照如來成道法

若能依此勝義修 現世得成无上覺

皈命緣起初序品 光中能顯因果事 福德智惠至究竟

一乘實相勝義門 皈命善巧方便品 甚深難測如來智

儀軌 卷下

言語道斷離心境	是故方便說三乘	皈命光宅辟喻品
舍利先授菩提記	有情不覺三界苦	佛以三車誘令出
皈命厭悔信解品	於自芳乘而愧耻	深生渴仰難遭遇
我等咸獲无上宝	皈命療疾藥草品	生旨丈夫開惠眼
而獲智光如日輪	於无上乘得善巧	皈命寂初授記品
四大色聞同記剎	各隨奉事諸世尊	當來咸證菩提果
皈命化城巧喻品	佛慇懃說昔因緣	為權止息示化城
至大涅槃為究竟	皈命五百弟子品	大色聞僧咸授史
別悟身中如來藏	无價宝珠令覺知	皈命授學无學品

佛記阿難羅睺羅	則表法王无偏黨	漸攝定性及不定
皈命傳經法師品	若有未來諸有情	持此法華一句偈
佛皆與彼而授記	皈命多宝佛塔品	示現淨土集諸佛
提婆達多授佛記	龍女得成无上覺	皈命勸持經典品
姨母耶輸蒙記剎	諸大菩薩及色聞	咸願末法勸持此
皈命修行安樂品	說經先住安樂行	現世獲得殊勝報
於佛菩提不退轉	皈命從地涌出品	八恒菩薩願持經
如來密意而不許	為顯涌出菩薩故	皈命如來壽量品
佛已成道无過劫	為治狂子現涅槃	常在靈山而不滅

義記
卷之十

皈命分別功德品	無數微塵菩薩衆	聞佛宣說壽无量
各超地位證菩提	皈命隨喜功德品	技量世出世間福
若聞此經一句偈	超彼速證无上道	皈命法師功德品
若能受持此經典	於現父母取生身	獲得神通淨六根
皈命不輕菩薩品	往昔難行苦行業	得聞此經增壽命
度脫无量无边衆	皈命如來神力品	佛現廣長之舌相
猶豫不信令淨信	見是瑞相獲佛道	皈命寂後囑累品
如來付囑諸菩薩	當於未來末法時	流通宣說无怪惜
皈命藥王本事品	為求法故并三昧	燒身供養淨明佛

恪

難遇經王表殷重	皈命妙音菩薩品	從彼佛剎來此土
而聽妙法蓮華經	既聞法已還本國	皈命觀音普門品
說是菩薩悲解脫	悉皆除遣諸災難	顯現常住如幻定
皈命陀羅尼妙品	二菩薩及二天王	并羅刹女說真言
為護持經法師故	皈命妙莊嚴王品	藥王藥上本因緣
由斯二士善知識	而不退失菩提道	歸命普賢勸發品
若有於此蓮華經	於三七日專持習	普賢為現淨法身
如方廣大乘經說	一切衆生身中皆有	
佛性具如來藏	一切衆生无非无上菩	

法苑珠林

卷之六

五

提法器若欲成就如此法者應當須具
如是四緣一者親近真善知識真善知
識者即是灌頂阿闍梨二者聽聞正法聞正法
者即妙法蓮華經王三者如理作意如
理作意者即為瑜伽觀智四者法隨法
行法隨法行者謂終奢摩他毗鉢舍那
則堪任證无上菩提若終持妙法蓮華
經若男若女則須依終真言行密行菩
薩之道應當先入大悲胎藏大湯荼羅

并見護摩道場滅除身中業障得阿闍
梨與其灌頂即從師受念誦儀軌三昧
耶

其壇三重當中內院畫八葉蓮華於華
胎上置率觀波塔其塔中畫紘迦牟尼
如來多宝如來同座而坐塔門西開於
蓮華八葉上從東北隅為首右旋布列
安置八大菩薩初弥勒菩薩次文殊師
利菩薩藥王菩薩妙音菩薩常精進菩

薩無盡意菩薩觀世音菩薩普賢菩薩
於此院四隅角內初東北隅置摩訶迦
乘次東南須菩提西南舍利弗西北大
目犍連次於第二重院於其東門置金
剛鏤菩薩南門置金剛鈴菩薩當塔前
門金剛鉤菩薩北門金剛索菩薩於東
門北置得大勢菩薩門南置宝手菩薩
次於南門東置宝幢菩薩門西置星宿
王菩薩次於西門南置宝月菩薩門北

置滿月菩薩次於北門西置勇施菩薩
門東置一切義成就菩薩又於東北隅
角內置供養華菩薩東南隅供養燈菩
薩西南隅置供養塗香菩薩西北隅置
供養燒香菩薩次於第三重院東門置
持國天王南門置毗樓勒又天王西門
置毗樓博又天王北門置毗沙門天王
於東方門北置大梵天王門南置天帝
釈次於南方門東置大自在天門西置

難陀龍王次於西友門南置妙法緊那
羅王門北置樂音乾闥婆王次於北方
門西置羅睺阿修羅王門東置如意迦
樓羅王於東北方置聖烏菟沙摩金剛
東南方置聖軍吒利金剛西南方置聖
不動尊金剛西北方置聖降三世金剛
亦得若修行者為未六根清淨滿足六
千功德成就法華三昧現世入初地受
定未證无上菩提

北印度著集英字

佛說十二遊經

東晉西域沙門迦留陀伽譯

昔阿僧祇劫時菩薩為國王其父母早
喪亡讓國持與弟捨國行末道遙見一
婆羅門姓瞿曇菩薩因從婆羅門學道
婆羅門答菩薩言解躡著王者衣服
編髮結莎為衣如吾取服受吾瞿曇姓
於是菩薩躡服衣被受瞿曇姓潔志入
於深山林藪嶮阻坐禪念道婆羅門言

十二遊經
鄉是王者久在尊貴簡於勤苦夏可飲
木食象果蔬冬可還城邑街里乞食還
其樹下禪思勿毀菩薩其取乞食還其
國界舉國王者下及庶民无能識菩薩
者謂以為小瞿曇菩薩於城外耳果園
中以作精舍於中獨坐時國中五百大
賊劫取官物逃走路由菩薩廬邊蹤跡
放散遺物在菩薩舍之左右明日捕賊
起尋賊者蹤迹在菩薩舍下因捉菩薩

便將上問謂為菩薩國中
大賊前後劫盜罪有過死王便勅臣下如此之人法
應以木貫身立為大標其身血出流下
於地是大瞿曇於深山中以天眼徹視
見之便以神足飛來問之子有何罪其
痛酷乃尔乎瘡豈不傷毒忍苦若斯菩
薩答曰外有瘡痛內懷慈心不知何罪
橫見誅害大瞿曇言卿无子姓當何繼
嗣忍痛如此菩薩答言命在須臾何陳

子孫於是國王使左右以彊弩飛箭射而殺之。大瞿曇悲哀涕泣下，其尸喪棺歛之。於是取上中餘血以泥團之，各取左右持著山中，還其精舍。左面血著左器中，其右亦然。大瞿曇言：子是道士，若其至誠，天神當使血化成人。却後十月，左即成男，右即成女。於是便姓瞿曇氏。一名舍夷，仁賢劫來始為室如來，狀迎越壽五百萬歲。自下二十五王，其壽三

百萬歲。文陀竭王壽百萬歲，頂生王遮迦越左，解右，解王皆壽十萬歲。從歡喜王諸王皆壽八萬四千歲。從惡念遮迦越煞一牛祠祀，害命失金輪，得銀輪主三天。下壽萬歲。堅念王作鎧壽五千歲，得銅輪主。二天下主西南喜煞王壽二千五百歲，得鐵輪主。南天下其王有太子行五惡煞，一減壽千歲。古人有九病：寒熱、飢渴、生老病死、婆羅門煞、生祠祀。

從是生四百病從師子念王人壽轉
 減壽百二十歲從師子念王後師子意
 王有八十四王人命減或壽八十七十
 五十三十二十十歲者於是後有師子
 命車王名白淨是菩薩父計菩薩身終
 始并前後八万四千遮迦越王名瞿曇
 氏純熟之姓菩薩在兜術天上意欲下
 生觀於天下誰國可生言唯白淨王家
 可生身於是天上有樹名兜曇樹菩薩

退坐他樹下思惟其本樹无復精光於
 是有天問言菩薩何緣捨本常坐就他
 樹坐有天子知菩薩意答天言卿不知
 耶今者菩薩欲下生閻浮剎觀何國可
 生唯白淨家可生於是諸天皆言今菩
 薩下生當何以贈送各設方計言唯淨
 明天上四百四宝奇鏤別異各有名類
 同有宝華以為車乘伊羅慢龍王以為
 制乘名白象其毛羽踰於白雪山之白

象有三十三頭頭有七牙一牙上有七
池池上有七憂鉢蓮華一華上有一王
女菩薩與八万四千天子乘白象室車
來下時白淨王夫人中寐見白象鬃鬃
寐寤惕驚寤以告王

菩薩父名白淨其父兄弟四人白淨王
有二子其大者名悉達其小子名難陀菩
薩母名摩耶難陀母名瞿曇彌菩薩叔
父名甘露淨王亦有二子長子名調達

小子名阿難菩薩中叔名穀淨王有二
子大子名釈摩納小子阿那律菩薩小
叔名設淨王有二子太子名釈迦王小
子名釈少王迦惟羅閱國有八城合有
九百万戶調達以四月七日生佛以四
月八日生佛弟難陀四月九日生阿難
以四月十日生調達身長丈五四寸佛
身長丈六尺難陀身長丈五四寸阿難
身長丈五三寸其貴姓舍夷長一丈四

尺其餘國皆長丈三尺菩薩外家去城
八百里姓瞿曇氏作小主主百万户名
一億王菩薩婦家姓瞿曇氏舍夷長者
名水光其婦母名月女有一城居近其
邊生女之時日將欲沒餘明照其家室
內皆明因字之為瞿夷晉言明女瞿夷
者是太子第一夫人其父名水光長者
太子第二夫人生羅云者名耶惟檀其
父名移施長者第三夫人名鹿野其父

名釈長者以有三婦故太子父王為立
三時殿殿有二万嫁女三殿凡有六万
嫁女以太子當作遮迦越王故置有六
万嫁女佛以二十九出家以三十五得
道從四月八日至七月十五日坐樹下
為一年二年於鹿野園中為阿若拘鄰
等說法復為畢婆般等說法復為迦者
羅等十七人說法復為大才長者及二
才念優婆夷說法復為正念尼捷說法

復為提和竭羅佛時四十二人說法三年為鬱為迦葉兄弟三人說法滿千比丘四年象頭山上為龍鬼神說法五年於竹園中為私呵味說法五年去未至舍衛時舍利弗作婆羅門有百二十五弟子坐一樹下時目連為彌夷羅國中作丞相將軍出行見舍利弗坐樹下便問舍利弗可為在此坐舍利弗答言吾欲學道目連言願以君為伴即遣百官

群臣還去唯留百二十五人二人合有二百五十人舍利弗入城分衛見佛弟子馬師比丘問之為何道士衣服不與常同馬師比丘答言吾是佛弟子舍利弗問言佛云何說法馬師言諸法從因緣滅諸苦盡滅於是舍利弗便得須陀洹道歡喜便還報目連言世間有神人目連言云何說法舍利弗具說本末目連便復得須陀洹二人便相將及弟

子至佛取未至佛已豫知便告比丘言
今當有二賢士一人名智惠比丘一人
名神足比丘須臾來到佛為說四諦舍
利弗七日得阿羅漢目連以十五日得
阿羅漢六年須達與太子祇陀共為佛
作精舍作十二佛畷寺七十二講堂三
千六百間屋五百樓閣七年拘耶尼國
為婆陀和菩薩等八人說般舟經八年
在柳山中為七真陀羅王弟說法九年

穢譯中為陀崛摩說法十年還摩竭國
為弗迦沙王說法十一年恐懼樹下為
弥勒說本起十二年還父王國為釈氏
精廬去城八十里為老摩竭說法還國
為父王及釈迦種說法度八方四千人
得須陀洹道是十四國佛十二年於中
遊化說法波斯匿王晉言和悅迦惟羅
越晉言妙德舍衛國者晉言无物不有
維耶離國者晉言廣大一名度生死羅

閱祇者晉言王舍城鳩留國者晉言智
士國波羅奈者晉言鹿野一名諸佛國
閻浮提中有十六大國八万四千城有
八國王四天子東有晉天子人民熾盛
南有天子國天子土地多名象西有大
秦國天子土地饒金銀璧玉西北有月
支天子土地多好馬八万四千城中六
千四百種人万種音響五十六万億五
聚魚有六千四百種鳥有四千五百種

獸有二千四百種樹有万種草有八千
種雜藥七百四十種雜香四十三種宝
有百二十一種正宝七種海中有二千
五百國百八十國歌五穀三百三十國
歌魚鱉龜鼉五國王一王主五百城第
一王名斯黎國土地盡事佛不事衆邪
第二王名迦羅土地出七宝第三王名
不羅土地出四十二種香及白琉璃第
四王名閻耶土地出華英胡椒第五王

名那類土地出白珠及七色琉璃五大
國城人多黑短小相去六十五万里從
是但有海水无有人民去鐵圍山百四
十万里
佛說十二遊經
...

北草字

薩曇分陀利經一卷

失譯人名今附西晉錄

聞如是佛在羅閱祇耆闍崛山中與大
比丘衆四萬二千人俱三榜陀毘陀文
殊師利菩薩等八万四千人弥勒菩薩
等拔陁劫中千人釈王等與忉利諸天
不可復計梵王與諸梵不可復計阿闍
世王與閻浮提人王衆多不可復計佛
在四輩弟子比丘比丘尼優婆塞優婆

夷中說薩曇分陁利漢法華佛說无央數
偈是時七宝浮圖涌從地出上至梵天
浮圖中央有七宝大講堂懸幢幡華蓋
名香清潔妹好講堂中有金牀牀上有
坐佛字抱休羅蘭漢言大寶歎釈迦文佛言
善哉善哉我般泥洹已來過恒邊沙劫
恒邊沙佛刹止於空中恒邊沙佛以過
去我歷尔取劫初不還彼刹我見釈迦
文佛精進求佛道用人民故布施无厭

足不惜手不惜眼不惜頭不惜妻子象
馬車乘不惜珍宝无有貪愛心我故來
出欲供養釈迦文佛并度諸下芳願釈
迦文佛坐我金牀更說薩曇分陁利經
於是釈迦文佛上講堂就於金牀而坐
便說薩曇分陁利經復說无央數偈言
聞樂宝佛知名字者不畏生死不復勤苦
聞藥王佛知字名著不得愈病自識宿命
於是釈迦文佛說无央數阿僧祇劫復

說无央數阿僧祇劫我行菩薩道時求
索薩曇分陀利經布施與人在取求索
飯食衣被七宝妻子初无愛戀心我為
有國王時是世極長壽我便立太子為
王棄國事搥鼓搖鈴自銜身言誰欲持
我作奴者我求索薩曇分陀利經我欲
行供養時有一婆羅門語我言與我作
奴來我有薩曇分陀利經我便隨婆羅
門去一心作奴汲水掃地採花菓飲食

婆羅門千歲不懈息佛於是說偈言

搥鼓搖鈴願自銜言誰欲持我作奴者
我欲行供養奴心善意行

佛言是時王者我身是也時婆羅門者
調達是誰恩令我得滿六波羅蜜者三
十二相八十種好皆是調達福恩調達
是我善師善師恩令我得滿六波羅蜜
三十二相八十種好威神尊貴度脫十
方一切皆是調達恩調達却後阿僧祇

劫當得作佛號令提和羅耶漢言天王當
 得十種力三十二相八十種好天王佛
 國名提和越漢言天天王佛當為人民
 說法盡劫不懈止第一說法當度恒邊
 沙人得羅漢道恒邊沙人辟支佛道恒
 邊沙人發阿耨多羅三藐三菩提心尔
 時天王佛壽二十劫乃般泥洹後法住
 二十劫天王佛般泥洹後不散舍利起
 作一七宝塔廣六十里長八十里一切

閻浮人悉往供養佛舍利是時无央數
 人得羅漢道无央數人發辟支佛心无
 央數人發阿耨多羅三藐三菩提心善
 男子善女人聞是法華之經信不誹謗
 除滅過去當來罪閑三惡道門開三善
 道門生天上常第一生人中常第一生
 十方佛前自然七宝蓮華中化生
 於是下方佛取從菩薩名般若拘自白
 其佛早還本土救迦文佛謂般若拘我

有菩薩字文殊師利可與相見乃還本土
即時文殊師利從沙曷龍王池中涌出
坐大蓮華如車輪其華千葉從諸菩薩
其數甚多文殊師利華下大蓮華為二
佛作禮還與般若拘菩薩相問訊般若
若拘文殊取入池中度云何數多少文
殊答曰其數問甚多无能計者若當口
說非心取信自當有證其池即時涌華
從下而出盡是池中一切取散本發菩

薩心者其華在空中但說摩訶衍事本
發言聞者其華在空中但說斷生死事
文殊師利見華如是以偈答般若拘菩
薩言以仁者之意自分別其數般若拘
菩薩復問文殊師利說何等法取度乃
尔文殊答曰於是池中但說薩曇分陀
利般若拘復問其法甚尊无能及者為
有便可得佛者不文殊答曰沙曷龍王
有女年八歲智慧甚大意願不輕便可

得佛般若拘菩薩謂文殊師利言我見
仁者之師求佛勸若積累功德劫數甚
多不信此女便可得佛池中有女即時
涌出遶佛三匝又手而白佛言佛相好
端正功德巍巍為諸天取奉為一切龍
鬼神人民薩和薩取敬取說法甚尊今
我立願便欲得佛舍利弗即謂女雖發
是願佛不可得又汝女行積功累行未
應菩薩女自持一摩尼珠其價當一大

國女疾過與佛佛亦疾受女謂舍利弗
及般若拘菩薩我與佛珠為遲疾答曰
甚疾女復言佛受我珠為遲疾答曰甚
疾女言我與佛珠為遲佛受我珠復遲
我今取佛疾於是即時女身變為菩薩
衆會皆驚即變為佛身相種好皆具足
國土弟子如佛取為一切衆會天龍鬼
神无央數人皆發无上正真道意三千
大千國土六反震動三万須陀洹得阿

惟越致

薩曇分陁利經

皆

寬文十二稔歲次壬子暮春十有七日

令開板者也

早稲田大学図書館

011488556527